



做人向前看 冷對前妻指控

安仔：屋企冇痰罐 否認見死不救

■陳曉華讚郭晉安樂於指導後輩。

一直被視為模範夫妻的郭晉安（安仔）與歐倩怡於5月宣布兩年前已分居，震驚全城！早前歐倩怡於網上節目聲稱4年前曾患大病險死，暈倒後醒來發現自己的頭塞進痰罐，卻被枕邊人漠視。昨日安仔受訪時稱家中沒有痰罐，否認「見死不救」的指控。



■眾人於酒店拍攝慈善基金晚宴的大場面。



■何依婷（左）與陳星妤在台上跳舞。

郭晉安、陳曉華、羅子溢、何依婷、陳星妤及郭柏妍等，昨日為無綫新劇《金式森林》（暫名）拍攝一場慈善基金晚宴大場面。提到安仔與前妻歐倩怡於5月宣布兩年前已分居，現在要跟陳曉華拍分手戲，可會觸景傷情？他說：「冇，做戲還做戲，分得好清楚。（已經放低？）每日都要放低，其實對我冇影響，過去就過去，要向前看。」

歐倩怡早前於網上節目聲稱4年前曾患大病險死，當時發燒、呼吸困難及失禁，之後更暈倒，醒來時頭塞進痰罐，卻被枕邊人漠視，沒協助送她入院，被形容為「見死不救」！安仔對此表示：「唔係真嘅嘢唔想講，唯一可以講嘅係我屋企間房係套房，唔會有痰罐。（係歐倩怡親自講！）都已經分開咗，各有各生活，亦好難控制人咁講咩，而且唔係真。我嘅娛樂圈都適應晒，唔會高調回應。」

陳曉華想拜安仔為師

提到歐倩怡自爆玩交友App，問他會否試玩？安仔笑言自己相信緣分：「人去到某個階段唔會就咁停嘅，

任何事情都會發生。（試玩交友App？）其實我好白癡，自己嘅網上平台都唔活躍，電子產品更加唔熱衷。（唔想再提以前嘅事？）大家唔去提就唔提，向前看！努力追求更好嘅生活。依家專心工作，都係為咗對小朋友。」

陳曉華透露為了穿貼身晚裝，事前減肥兩日。她又稱很開心跟安仔合作，獲益良多：「即使冇佢嘅場口，我都有問佢意見，佢都講咗好多新嘅諗法，我真係好想要佢個腦袋。（你拜佢為師？）唔知佢願唔願意收我為徒，又唔知拜師要啲乜嘢，應該斟茶可以啱？」

而何依婷稱成為人妻後第一次拍床戲，非常緊張：「監製好好，特別安排何廣沛做我現任男友，羅子溢做我前度，仲有回憶嘅床戲。」她讚羅子溢有風度兼拍親熱戲經驗豐富，故大家事前已夾好，點到即止。問到有否向老公備案？她表示老公絕對支持和體諒。

開騷撞正歐洲國家盃 伊健哽咽謝觀眾支持

鄭伊健日前在英國倫敦舉行演唱會，適逢開騷當日舉行歐洲國家盃賽事，伊健說：「我第一次喺英國開騷，好難得，多謝你哋選擇唔睇波，嚟睇我演唱會。」當他唱2009年作品《新歌》時，重提當時的低潮期：「點解叫《新歌》？當年我睇歌詞問點解，點樣『新嘅我』？嗰陣時理解能力有限！但今日擺首歌曲出嚟，我同陳光榮講：『嘩，原來呢首歌唔係講我唱，係講一個人生。』」伊健唱到眼濕濕，唱完後深呼吸，整頓情緒後再唱最後一首歌《Together》。

完場後歌迷不願離開，伊健再度出場唱《動地驚天愛戀過》，他看到台下歌迷全部站起來，又再哽咽說：「所有歌真係唱晒，導演叫我出嚟唱多首歌。點都好，多謝你哋冇離開，Thank You！」最後他唱《你的我》為倫敦站畫上完美句號。



■伊健感動到眼濕濕。



■伊健（右三）與團隊一齊Jam歌。

王馨平 想同古淖文合作

王馨平、葉巧琳、周殷廷等前晚出席《「愛心滿東華」免費醫療服務捐助計劃暨慈善晚會》啟動禮。王馨平與一眾新世代歌手同場大感開心，有回到初出道經常參與公開活動的感覺。她笑言大家有互相「集郵」，唯獨不好意思邀周殷廷合照：「唔係驚老公呷醋，而係周殷廷怕醜，我都怕醜。」她讚現時的小鮮肉都很厲害，尤其是內地小生肖戰、王一博都很靚仔兼演技了得，至於香港方面她很欣賞「中鮮肉」古淖文，希望有機會跟對方合作。



■王馨平笑言面對小鮮肉會怕醜。

姚焯菲恨演金城安表妹

無綫處境劇《愛·回家之開心速遞》日前25位核心角色拍攝全新片頭及全新主題曲《這個家》MV，並由姚焯菲（Chantel）主唱。早前Chantel於新西蘭越洋錄音，無綫娛樂新聞台獨家直擊錄音過程。她受訪時自認是《愛·回家》劇忠實粉絲：「由細到大都好鍾意睇《愛·回家》，一有時間就搵番啲精華睇睇，今次唱到主題曲覺得好開心。」她自爆很喜歡金城安（周嘉洛飾），更搞笑自薦客串一角：「想做到一個表妹嘅角色，希望畀到新鮮感呢個大家庭。」



■姚焯菲是《愛》劇粉絲。